



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWESIBILI LWEKWENGETA (SAL)

LIPHEPHA LEKUCALA (P1)

LWETI 2012

EMAMAKI: 120

SIKHATSI: 2½ ema-awa

Leliphepha linemakhasi la-12.

TICONDZISO KULABAHLOLWAKO

1. Leliphepha lehlukaneiswe tigaba letine:

SIGABA A:	Sivisiso	(30)
SIGABA B:	Sifinyeto	(10)
SIGABA C:	Luhlelo nelulwimi	(60)
SIGABA D:	Temibhalo	(20)
2. Fundza tonkhe ticondziso ngekucopehelela.
3. Phendvula yonkhe imibuto ngeSiswati.
4. Cala LESO NALESO sigaba ekhasini LELISHA.
5. Dvwebela ekugcineni kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengoba tinjalo.
7. Shiya umugca emkhatsini wetimphendvulo takho.
8. Bhala ngebunono nangesandla lesifundzekako.
9. Caphelisisa sipelingi/lupelomagama nendlela lewakha ngayo imisho.
10. SIGABA: A lokungenani emaminithi lange-45
SIGABA: B lokungenani emaminithi lange-30
SIGABA: C lokungenani emaminithi lange-45
SIGABA: D lokungenani emaminithi lange-30

SIGABA A: SIVISISO

UMBUTO 1

- 1.1 Fundza lethekesthi lengentasi bese uphendvula imibuto lebutiwe.

INDVUNA YETEMFUNDVO IVIKELE LILUNGELO LABOTHISHELA

Indvuna yeTemfundvo, Nkhosikati Angie Motshega ulivikele lilungelo labothishela lekuteleka (right to strike) watsi akacabangi kutsi bangafakwa ngaphansi kwalabo labenta umsebenzi lobucayi (essential services), ngobe kuteleka kwabo ngeke kubeke imphilo yalabanye enkingeni.

Nkhosikati Motshega uphawule kanje ngemuva kwetiphakamiso tekutsi kumele umkhakha wetekufundzisa ungatingeneli titeleka ngobe loko kubeka enkingeni lilungelo lebafundzi lekutfola imfundvo.

Usho loku nje nobhala jikelele waKhongolose, uMnumzane Gwede Mantashe ulivikele lilungelo lekutsi bothishela bangateleka, waphikisana netiphakamiso tekutsi kumele batsatfwe njengebantfu labenta imisebenzi lebusayi. 'Ngekwemtsetfo bothishela abenti imisebenzi lebusayi ngendlela yekutsi kungashona bantfu nangabe kuyateleka. Angicabangi kutsi bangake bafakwe ngaphansi kwalabo labenta imisebenzi lebusayi ngenca yemsebenzi labawentako,' kusho Nkhosikati Motshega.

Mantashe watsi lilungelo lekuteleka licuketfwe kumtsetfosisekelo welive, ngako-ke wonkhe umuntfu, kubalwa nabothishela, unelilungelo lekuteleka. 'Uma usebentisa lilungelo lekuteleka ngalokwendlulele, leso siteleka siyofana nentfo lengenamsebenzi. Ngiyabaphikisa labatsi bothishela kumele bangavunyelwa kutsi bateleke,' kusho Mantashe.

Kunetiphakamiso letifute tona leti letitsi njalo uma sekuyobhalwa bantfu baba neluvalo lwekutsi luhlolo lwekuphela kwemnyaka lutawuphazamiseka ngenca yekungavumelani kwetinyonyana nahulumende.

Lokhulumela i-DA kutemfundvo, Dkt. Wilmot James, ukhale ngekutsi letingcoco temaholo tidvonsa kuze kucishe kubhalwe luhlolo lwakaMatric, bothishela bafuna kunikwa loku labakufunako. Basuke batsi batawuteleka bese kuphazamiseka luhlolo. James waphakamisa kutsi lokuncono atisheshe ticalwe tinkhulumiswano temaholo lokungenani ngenyanga yaJuni kute kutsi nakusondzela inyanga yekubhalwa kweluhlolo lwekuphela kwemnyaka kube sekuvunyelwene ngemaholo.


Utsi lilungelo lemfundzi kumelwe libekwe embili. Uma kutelekwa bayalimala bafundzi ngobe basuka batsatselwa lelo lilungelo.

Ngemnyaka wa-2011 tinkhulumiswano temaholo tifyinelele ekuvumelaneni ingazange ikhulunywe yekuteleka, ngobe eminyakeni leyengcile bese kuba yintfo yamalanga onkhe kuze kuphele emaviki lamabili solo kungafundwa.

[Ihunyushwe ku-Isolezwe, 20 Septemba 2011]

- 1.1.1 Nika sizatfu lesenta kutsi Angie Motshega avikele lilungelo lekuteleka kwabo thishela. Khetsa imphendvulo:
- A Bothishela benta umsebenti lobucayi.
B Bothishela bahola imali lenyenti.
C Bothishela baphila kamnandzi.
D Bothishela abenti umsebenti lobucayi. (1)
- 1.1.2 Nguliphi lilungelo lebafundzi labatsatselwa lona nangabe kuteleka bothishela? (1)
- 1.1.3 Ngusiphi siphakamiso lesibekiwe mayelana nekucala kwetingcoco temiholo yabothishela. Khetsa imphendvulo:
- A Aticale ngaJuni kuze nakufika sikhatsi sekuhlola tibe tiphelile.
B Tingasheshi tiphele baze baniketwe labakufunako.
C Tingcoco tingabi khona baniketwe nobe malini lekhona.
D Tingcoco aticale nakuphela luhlolo lakaMatric. (1)
- 1.1.4 Ngubani umholi wetemfundvo we-DA lotfolakala kulendzaba? (1)
- 1.1.5 Yini lokubangela kutsi bantfu bakhatsateke nakuteleka bothishela? (2)
- 1.1.6 Ngutiphi letinye tisebenti locabanga kutsi atikafaneli kuteleka? (Bhala lunye luhlobo lwetisebenti.) Sekela imphendvulo yakho. (2)
- 1.1.7 Shano sinye sizatfu lesinikwa nguMnumzane Mantashe kuvikela lilungelo labothishela lekuteleka. (2)
- 1.1.8 Kubangelwe yini kutsi bothishela kulomnyaka lophelile bangateleki? (2)
- 1.1.9 Kungaba yini umphumela uma tingcoco temaholo tingaphazamisa kubhalwa kwaMatric? (2)
- 1.1.10 Uma ungaba yindvuna yetemfundvo ungabavumela yini bothishela kutsi bateleke ? Sekela imphendvulo yakho. (3)
- 1.1.11 Uyavumelana yini nekutsi bothishela bateleka ngobe bavilapha kusebenta. Sekela imphendvulo yakho. (3)

1.2 Fundzisa lesibonwa bese uphendvula imibuto letawulandzela.



[IsiZulu Soqobo Ibanga 7 likhasi 16–17]

- 1.2.1 Lesitfombe siveta sippi sikhatsi semnyaka (season). Khetsa imphendvulo:
- A Busika
 B Lihlobo
 C Entfwasabusika
 D Ebusuku (1)
- 1.2.2 Bangaki bantfwana labavetwe kulesibonwa? (1)
- 1.2.3 Bhala munye umsebenti lowentiwa kulesibonwa usho nekutsi ubaluleke ngani etimphilweni talabantfu. (2)
- 1.2.4 Chaza umehluko ngendlela lemiti levetwe kulesibonwa yakhiwe ngayo. (1)
- 1.2.5 Ucabanga kutsi lomfula ngabe ulusito njani kulesibonwa? Bhala kube kubili. (2)
- 1.2.6 Bhala kube kunye lokukhombisa (shows) kutsi lendzawo levetwe kulesibonwa isemakhaya. (1)
- 1.2.7 Uyahambisana yini nalokutsi labantfwana babhukushe emfuleni? Sekela imphendvulo yakho. (2)

SAMBA SIGABA A: 30

SIGABA B: SIFINYETO

UMBUTO 2

Fundza lethekesthi lelandzelako bese ubhala **tintfo letisikhombisa longatenta kuvimbela liphunga lelibi emtimbeni** letivetwe kulethekesthi.

TICONDZISO

1. Bhala emaphuzu lasikhombisa ngemisho legcwele ngemagama langengci kulange-50.
2. Imisho yakho ayibe netinombolo kusuka ku-1 kuya ku-7.
3. Bhala ngeliphuzu linye emshweni ngamunye.
4. Sebentisa imisho yakho.
5. Khombisa linani lemagama lowasebentisile ekugcineni kwesifinyeto uwafake kubakaki.

Bochwepheshe betemphilo batsi noma ingeminyenti imitsi yekwelapha sikhupha, tinyenti tindlela longatisebentisa kusincandza. Sikhupha liphunga lelibi leliba semtimbeni wemuntfu lelingakhetsi nobe ugezile nobe awukagezi. Ngekwetemphilo sikhupha sibangwa kujuluka nemagciwane. Ayikho intfo lelukhuni njengekuhlala nemuntfu lonesikhupha ngobe linyenti labanalenkinga lisuke lingativa kutsi liyanuka.

Kuhlanteka utayelane nekugeza kungasita kugcina umtimba usesimeni lesikahle unganuki. Yenta siciniseko sekutsi tindzawo letishisako njengemakhwapha uyatigezisa.

Emakha lowasebentisako yenta siciniseko sekutsi ane-aliminyamu nobe i-zinki lebulala emagciwane emtimbeni. Kunatsa kakhulu emanti netinatfo kuncedza umtimba kutsi ukhicite ikhemikhali lenciphisa kukhiciteka kwelagciwane lelidlala liphunga.

Lizambane lingakusita kucedza sikhupha. Ulisika libe lucetu wena lowabona lucetu lwesinkhwa bese ulishikisha ekhwapheni njengoba wenta nawufaka emakha. Lizambane lenta likhwapha lome lingakhiciti kakhulu umjuluko nemagciwane labanga liphunga lelibi.

I-alkhoholi neviniga lemhlophe ngulokunye lokusitako ekucedzeni sikhupha. Lenhlanganisela uyishikisha emakhwapheni, entsanyeni nakuto tonkhe tindzawo letijulukako. Loku kusita kwehlisa lizinga lemjulukoko nemagciwane labanga liphunga lelibi.

Khama emanti elitamatisi uwafake emantini ekugeza njengobe wenta nawutawugeza nge-bath foam noma ngashibhoshi (disinfectant). Lilamula ne-baking powder – nako kuyasita kucedza sikhupha. Hlanganisa emathispuni lamabili e-baking powder nemanti elilamula ukugcobise lapho ujuluka khona kakhulu.

Gcobisa i-peanut butter emakhwapheni ngemuva kwekugeza nase utawulala. Iphatamisa kukhiciteka kwemagciwane ngalesikhatsi ulele.

[Ihunyushwe ku-Ilanga, 19–21 Septemba 2011]

SIGABA C: LUHLELO NELULWIMI

UMBUTO 3

3.1 Condzanisa umusho lokuKHOLOMU A nemphendvulo kuKHOLOMU B.

KHOLOMU A	KHOLOMU B
3.1.1 Indzawo lapho kwetsiwa khona phethiloli.	A Sibaya.
3.1.2 Lapho kulala khona tinkhomo.	B Indlu.
3.1.3 Indzawo lapho kudlalwa khona ibhola.	C Ligalaji.
3.1.4 Indlu lapho kulala khona bafana.	D Inkhundla yetemidlalo.
	E Lilawu.

(4 x 1) (4)

3.2 Nika emagama laphikisana nalawa:

- 3.2.1 Phansi (1)
- 3.2.2 Ekudzeni (1)
- 3.2.3 Emanga (1)
- 3.2.4 Embili (1)

3.3 Babe, make, gogo, mkhulu, nebantfwana babitwa ngekutsi yini? Khetsa imphendvulo:

- A Umndeni
- B Batukulu
- C Bomkhaya
- D Bomakhelwane (1)

3.4 Shano kutsi kungemanga nobe kuliciniso loku lokulandzelako:

- 3.4.1 Inkhomo ikhala itsi me ...! (1)
- 3.4.2 Imbuti ikhala itsi kikilikigi ...! (1)
- 3.4.3 Inkhomo ikhala itsi mo ...! (1)

3.5 Cedzela letifaniso letilandzelako. Khetsa imphendvulo kuletibiyelwe:

- 3.5.1 Kumnyama njenge ... (-litje, -malahle, -mafu) (1)
- 3.5.2 Kubovu njenge ... (-manti, -njengelitulu, -ngati) (1)
- 3.5.3 Kuluhlata njenge ... (-tjani, -mali, -mhlabatsi) (1)

3.6 Fundza lenkhulumo bese uphendvula imibuto lelandzelako.

Bafati abakwati kushayela, ungatfoli umuntfu ahamba kancane emgwacweni ngumfati.

- 3.6.1 Uyavumelana yini naloku lokushiwo ngulenkulumo lengenhla? (1)
- 3.6.2 Usho ngani? (1)
- 3.6.3 Bobani labangaphatseka kabi ngalenkulumo lengenhla? (1)
- [18]**

UMBUTO 4

4.1 Bhala lemisho lelandzelako ugucule tento letidvvetjelwe tihambisane nalokubiyelwe.

Sibonelo: Umfana upheka babe kudla. (kwentela)

Imphendvulo: Umfana uphekela babe kudla.

- 4.1.1 Dokotela unatsa umfana emaphilisi. (Kwentisa) (1)
- 4.1.2 Tjani budla tinkhomo. (Kwentiwa) (1)
- 4.1.3 Emaswati ayatsandza. (Kwentana) (1)

4.2 Bhala lomusho ulandzelanise kahle emagama kute wakhe umcondvo lovakalako.

Sipho yinyoka elunyaweni ulunywe (2)

4.3 Bhala sifinyeto salamagama ladvvetjelwe. Khetsa timphendvulo etibayeni.

- 4.3.1 Thishela unike bafundzi sibonelo. (Sbo., Sbn., Sib.) (1)
- 4.3.2 Mnumzane Simelane unesitfunti. (Mnu., Mnz., Mnum.) (1)

4.4 Bhala lemisho ufake sinciphiso seligama leladvvetjelwe.

Sibonelo: Umntfu ukhala kakhulu.

Imphendvulo: Umntfwana ukhala kakhulu.

- 4.4.1 Indlu yakitsi yinhle. (1)
- 4.4.2 Ubotsela emanti kulenyama. (1)
- 4.4.3 Uphetse imali lencane. (1)

4.5 Cedzela lemisho ngekufaka sakhi lesifanele esikhaleni.

Sibonelo: Umfana ...bulala inyoka.

Imphendvulo: Umfana ubulala inyoka.

4.5.1 Sibaya ...gcwele tinkhomo. (1)

4.5.2 Emantfombatane ...hamba ebusuku. (1)

4.5.3 Timbali ...tsengiswa edolobheni. (1)

4.6 Hlanganisa lemisho ibe ngumusho munye ngekusebentisa tihlanganiso letifanele. Khetsa kunati letilandzelako:

kodvwa; futsi; kantsi; ngobe

Sibonelo: Luswane luyakhala. Luswane lulambile.

Imphendvulo: Luswane luyakhala ngobe lulambile.

4.6.1 Siph o akawucedzi umdlalo. Siph o ulimele. (1)

4.6.2 Uyavilapha kupheka. Utsandza kudla. (1)

4.6.3 Mantfombi uyatsandza kucalana. Mantfombi usheshe akhale. (1)

4.7 Cala lomusho ngeligama lelibiyelwe.

Sibonelo: Mandla udla kudla. (itolo)

Imphendvulo: Itolo Mandla udle kudla.

4.7.1 Inyoka iyalumana. (Cha) (1)

4.7.2 Indlu ishile. (Nyalo) (1)

4.7.3 Titawuvalwa tikolo. (Kudzala) (1)

4.8 Gucula lamabito abe bunyenti.

Sibonelo: Umntfu.

Imphendvulo: Bantfu.

4.8.1 Sikhiya. (1)

4.8.2 Inkhukhu. (1)

4.8.3 Lilanga. (1)

[22]

UMBUTO 5

5.1 Lungisa lemisho lelandzelako ngekufaka timphawu tekufundza letifanele.

5.1.1 Hamba uyotsenga lubisi emazambane kanye nematamatisi (2)

5.1.2 ekhaya kudliwani namuhla (2)

5.1.3 halala usebentile ntfombatane. (2)

5.1.4 Li awa linye kuya ejozi. (2)

5.1.5 Ngifundza Siswati kusho babe. (2)

5.2 Fundza lemisho lelandzelako bese ulungisa emaphutsa elulwimi emagameni ladvwetjelwe:

5.2.1 Mama uyenta litiya. (2)

5.2.2 Umntwana udla emasinkhwa. (2)

5.2.3 Tindvodza tihambe itolo. (2)

5.2.4 Uthole timphahla tentombatana. (2)

5.2.5 Lunwabu lihamba kusihlahleni. (2)

[20]

SAMBA SIGABA C: 60

SIGABA D: TEMIBHALO

Kulesigaba kunetincwadzi letimbili. Khetsa ibe yinye uphendvule ngayo.

UMBUTO 6: *IDUBUKELE* – ET Mthembu

TINDZABA LETIMFISHA

Fundza lesicashunwa lesitsetfwe endzabeni letsi 'Shongwe neSingisi' bese uphendvula imibuto letawulandzela:

Umnumzane Koekemoer watsatsa inombolo yelucingo lwamake Sutherland, watsi utawutsi angasitfoli lesisebenti lasifunako amshaye. Kusuka lapho, uMnumzane Koekemoer watjela emaphoyisa lamabili labekasebenta nawo kwekutsi akamfunele leso sisebenti. Emaphoyisa akazange acitse sikhatsi, aphumela ebaleni ngephandle amemeta esicukwini sebanfu labafuna umsebenti. Badvuma bonkhe bashona ephoyiseni, kwaba nguloyo naloyo atsi 'Mine phoyisa, mine phoyisa'. Emaphoyisa achaza kwekutsi ...

- 6.1 Ngabe make Sutherland bekafuna sisebenti lesinjani? (2)
- 6.2 Ngubani lowaphumelela kutfoli lomsebenti? Nika ligama nesibongo? (2)
- 6.3 Ucabanga kutsi lona lowatfoli lomsebenti bekawufanele yini lomsebenti? Sekela imphendvulo yakho. (2)
- 6.4 Yini lengazange yentiwe ngemaphoyisa kucinisekisa kutsi lomuntfu uyawufanela lomsebenti? (2)
- 6.5 Uyahambisana yini nekutsi emaphoyisa ambhadalise imali lona wekunene ngekumtfolela umsebenti? Sekela imphendvulo yakho. (2)
- 6.6 Yini leyabangela kutsi make Sutherland aye kuMnumzane Koekemoer nakafuna sisebenti? (2)
- 6.7 Sagila wetsiwa ligama lelisha nakafika kaMake Sutherland. Shano ligama letsiwa lona kanye nesizatfu lesenta kutsi etsiwe leligama. (2)
- 6.8 Kwaba yini inkinga ekhatsi kwaSagila nemcashu wakhe leyenta imphilo yaba lukhuni? (2)
- 6.9 Yini leyabangela, kutsi banfu bamangale ngendlela Sagila bekagcoka ngayo? (2)
- 6.10 Nika sizatfu lesenta kutsi Make Sutherland asale amcashu Sagila? (2)

[20]

UMBUTO 7: *SEKUHLWILE* – AG Malindzisa

TINGANEKWANE

Fundza lesicashunwa lesingentasi lesitsetfwe enganekwaneni letsi 'Umtfwanenkhozi nesicoco' bese uphendvula imibuto letawulandzela.

Kutsite ntsambama ngalelo langa, wangena elawini lakhe, wabutsa konkhe kwakhe lokuhle njengobe kushito sicoco. Batsite nabatsi bayambuta labafati labamlindzile wabatjela kutsi ufuna kuya emfuleni ayewugeza letimphahla letihlobile. Lomunye umfati wacela kutsi amgezele tona, kepha wala Khanyisile. Noko labafati bahamba naye Khanyisile. Batsite bangafika nje emfuleni, wahlala lapho bekahleti khona nakakhuluma nalesicoco wacala wakhala.

- 7.1 Babe waKhanyisile lamtalako bekanebafati labangaki? Khetsa imphendvulo kuleti lonikwe tona:
- A Lababili
B Labane
C Labasihlanu
D Labatsatfu (1)
- 7.2 Make waKhanyisile bekambekephi umntfwana wakhe nakasika tjani? (1)
- 7.3 Bekuyini sizatfu sangempela sekuya kwaKhanyisile emfuleni? (2)
- 7.4 Yini lena beyenta kutsi laba labanye bafati bangamtsandzi make waKhanyisile? (2)
- 7.5 Khanyisile wafika njani kulomuti lese ahlala kuwo? (2)
- 7.6 Yini leyenta kutsi emabutfo netinhlabi bangakhoni kungena emfuleni? (2)
- 7.7 Nika sizatfu sekutsi Khanyisile etsiwe lelibito lakhe. (2)
- 7.8 Yentani inkhosi lenguyise waKhanyisile mhlazana afika ekhaya? (2)
- 7.9 Kutsiwa NaboKhanyisile bekangumtedlane. Yini umtedlane? (2)
- 7.10 Shano bunganekwane lobutfolakala kulenganekwane bube BUBILI. (2)
- 7.11 Sitsini sifundvo lesitfolakala kulendzaba? (2)
- [20]**

SAMBA SIGABA D: 20
SAMBA SAKO KONKHE: 120